

իրականացնելու և տուգանվելու են այն բնակիչները կամ իրավաբանական անձիք, որոնք չեն կատարում իրենց պարտավորությունները:

Սկսած 2018թ.-ի հունվարի 1-ից Կառավարության պահանջով և համայնքի ավագանու որոշմամբ արգելափակվել են իրականացվում է մասնակի փոխհատուցմամբ՝ սահմանվել է վճար ֆիզիկական և իրավաբանական անձանց համար: Այս մշակույթը ևս զարգացնելու կարիք ունի: Մատուցվող ծառայության դիմաց վճարելու պատրաստակամություն ձեր մեջ զարգացնելով՝ հասնելու ենք արգելափակված վճարների 100 տոկոս կատարմանը:

Կոմունալ տնտեսության բնագավառում ամենամեծ ձեռքբերումը ունիվերսալ տեխնիկայի խնդրի լուծումն է: Դեռ 2018թ-ին համայնքը <<Տարածքային զարգացման հիմնադրամին>> դիմել էր 90 միլիոն ընդհանուր արժեքով բազմաֆունկցիոնալ տեխնիկա և ավտոգրեյդեր տրամադրելու համար, որտեղ համայնքի ներդրումը նախատեսվել է դրանց արժեքի հինգ տոկոսի չափով: Տեխնիկան համայնքին շատ անհրաժեշտ է թե կոմունալ բնույթի խնդիրներ լուծելու, թե գրունտային ճանապարհների բարեկարգման / հատկապես հեռագնա արոտներ տանող ճանապարհներ, դաշտամիջյան ճանապարհներ/ և ինչու չէ նաև գյուղատնտեսության զարգացման համար: Այստեղ խնդիր ունենք նախկին ոռոգման համակարգերը վերանորոգելու, վերագործարկելու: Նշեմ , որ համայնքը իր ներդրումը արդեն կատարել է և 2019թ-ի դեկտեմբերին համայնքին հանձնվել է ավտոգրեյդեր, մինչև փետրվարի վերջը սպասում ենք նաև էքսկավատորին: Տեխնիկան կօգնի լուծել համայնքում առաջացող կոմունալ և ճանապարհային բնույթի բազմաթիվ խնդիրներ: Նախատեսվում է նաև տեխնիկան վարձակալությամբ տրամադրել և համայնքի բյուջեն համալրել լրացուցիչ ֆինանսական մուտքերով: Ավագանու որոշմամբ համայնքի բնակիչների համար կսահմանվեն տեխնիկայից օգտվելու արտոնյալ պայմաններ:

4. Գյուղատնտեսություն

2020թ. հունվարի 1-ի դրությամբ Օձուն խոշորացված համայնքում առկա են խոշոր եղջերավոր անասուններ՝ 4625 գլուխ, խոզեր՝ 1865 գլուխ, ոչխար և այծ՝ 1420 գլուխ, ձի՝ 202, թռչուն՝ 12192 թև

, մեղվաընտանիք՝ 827 հատ:

Մշակվել են հացահատիկային կուլտուրաներ՝ այդ թվում ցորեն 1151 հա, գարի 7 հա, եգիպտացորեն 98 հա, արևածաղիկ 3 հա : Կարտոֆիլի ցանքը կատարվել է 325 հա-ի վրա, միջին բերքատվությունը մինչև 18 տոննա: Բանջարաբուստանային կուլտուրաներ մշակվել են 61 հա, բազմամյա բույսեր և այլ կերային կուլտուրաներ 768 հա:

Կառավարության հրատապ ծրագրով գյուղացիներին տրամադրվել է ագրտական պարարտանյութ 156 տոննա՝ պարկը 6600 դրամով, առվույտի սերմ 500 կգ՝ 1500 դրամով, եգիպտացորեն 96կգ՝ 350 դրամով, կորնզան 18կգ՝ 370 դրամով, գարնանացան ցորեն՝ 500 կգ, 150դրամով

Նոր ոռոգման ցանցի կառուցման արդյունքում նախատեսում ենք ունենալ բանջարաբուստանային կուլտուրաների ցանքսի աճ: Ավելի արդյունավետ հողագործություն զարգացնելու նպատակով, համայնքը իր միջոցներով և տեխնիկայով վերականգնելու է նաև նախկին ոռոգման համակարգերը:

Գյուղատնտեսության բնագավառն ընդհանրապես համայնքում նորամուծությունների կարիք ունի, նոր մշակաբույսեր, հողի մշակման նոր մոտեցումներ, խելացի անասնագույներ ևայլն: Պետք է արձանագրեն նաև, որ վերջին տարիներին այս առումով առաջընթաց ենք ապրել, ավանդական հացահատիկային կուլտուրաներից, կարտոֆիլից բացի հիմնվել են ազնվամորու մի քանի հեկտար ցանքատարածություններ, մշակվում է նաև լոբի: Այստեղ էլ գյուղացիները իրացման խնդրի առջև են կանգնել՝ հատկապես ազնվամորու հարցում:

5. Մշակույթի և սպորտի ոլորտ

Սիրով պետք է արձանագրեն, որ մշակութային կյանքը շատ ակտիվ է համայնքում, հատկապես Օձուն բնակավայրում, որտեղ գործում են Օձունի Մանկական արվեստի դպրոցը և Մշակույթի տունը;

Օձունի Մանկական արվեստի դպրոցում սովորում են մոտ 120 աշակերտներ, գործում են երաժշտական տարբեր գործիքների՝ դաշնամուրի, ջութակի, ժողգործիքների, ժողովրդական երգի և նկարչության դասարաններ: Ուրախությամբ արձանագրում են այն փաստը, որ այժմ ունենք վերանորոգված արվեստի դպրոցի մասնաշենք, որն ապահովված է ջեռուցման լույսի համակարգով և անհրաժեշտ գույքով, գործիքներով: Միջոցառումները արվեստի դպրոցում կազմակերպվում և մատուցվում են բարձր մակարդակով: Արվեստի դպրոցի սաները հաջողություններ են գրանցում տարբեր մրցույթներում, փառատոններում: Դպրոցում գործող նկարչական խմբերի սաները հաջողություններ են գրանցել հանրապետական մրցույթներում:

Օձունի Մշակույթի տանը գործում են թատերական, պարի, կարատեի, ձեռագործ աշխատանքների, անգլերենի խմբակներ: Գործող խմբակներն ունեն բավարար պայմաններ, ինչի արդյունքում մենք ամեն տարի արձանագրում ենք տարբեր խմբակներ հաճախող երեխաների թվի աճ: Մշակույթի տանը՝ տնօրեն Գոհար Մարյանյանի մեծ աշխատանքի և նվիրումի արդյունքում, շուքով նշվում են բոլոր տոն օրերը, կազմակերպվում են նաև ոգեկոչման մեծ միջոցառումներ: Ուրախալի է հատկապես այն փաստը, որ միջոցառումներին ներդաշնակորեն մասնակցում են մշակույթի տանը գործող բոլոր խմբերը:

Օձունի մանկական արվեստի դպրոցի և Մշակույթի տանը գործող խմբերի սաները ակտիվ մասնակցություն և հաղթանակներ են ունեցել տարբեր մարզային, հանրապետական, միջազգային մասշտաբների մրցույթների, փառատոնների, դարձել են 1-ին, 2-րդ կարգի դափնեկիրներ: Հանրապետական մրցույթի դափնեկիրներ են հասցրել դառնալ նաև Ճախարակ ձեռագործ աշխատանքների խմբերի սաները:

Օձունի Մշակույթի տանը գործող կարատեի Կենտրոնը մարզաձևի սան Վրեժ Դավթյանը Ռուսաստանի Ռոստով քաղաքում կայացած աշխարհի 16-րդ առաջնությունում փոխչեմպիոնի տիտղոսին արժանացավ: Ամռանը Երևանում, իսկ աշնանը Թբիլիսիում ԲՈՒՆԳ ՖՈՒԽի աշխարհի առաջնության մրցաշարերում Օձուն համայնքից մասնակցող մարզիկները ցուցաբերեցին բարձր արդյունքներ և արժանացան բարձր մրցանակների, ոսկե և արծաթե մեդալների: Օձուն համայնքի ղեկավարի կողմից, մեր համայնքի անունը բարձր պահած մի շարք մարզիկներ արժանացան նաև դրամական պարգևների: Խմբի սաները այնքան շատ առաջնությունների են հաղթող դուրս եկել, որ բոլորին 2019թ-ի ընթացքում չենք հասցրել պարգևատրել: Համայնքը բարձր է գնահատում մարզիչ Գառնիկ Սարգսյանի նվիրումը և պատասխանատու վերաբերմունքը իր աշխատանքում: Գործում է նաև Արևածագի մշակույթի տունը: Նախատեսվում է Արևածագի մշակույթի տանը ևս ավելացնել խմբակների թիվը, որպեսզի հարակից գյուղերի երեխաները կարողանան հաճախել այնտեղ: Համայնքի արվեստի և մշակութային օջախները գտնվում են համայնքապետարանի մշտական հոգաժողովի ներքո:

Համայնքը բարձր մակարդակով մասնակցեց նաև <<Բերքի տուն 2019>> ամենամյա միջոցառմանը, որն այս անգամ անցկացվեց Օձուն համայնքի Այգեհատ բնակավայրում:

2019թ-ին ուշադրության կենտրոնում են եղել նաև ժամկետային զինծառայողները: 2016թ-ի ապրիլյան քառօրյաից հետո, առաջին անգամ կազմակերպեցինք այց Արցախի զորամասեր: 2019 թ-ին արդեն չորրորդ անգամ այցելեցինք զորամասեր՝ Օձուն համայնքի զինծառայողներին տեսակցության, նրանց ծնողների, համայնքի ղեկավարի և հոգևոր հովիվ Տեր-Վրթանես Բաղայանի անմիջական մասնակցությամբ: Այս միջոցառումը միտված էր զինվորներին ևս մեկ անգամ քաջալերելու, վստահեցնելու, որ գտնվում են համայնքի մշտական ուշադրության կենտրոնում: Ասեմ, որ առաքելությունն իր նպատակին հասավ, ոգևորվեցին և զինվորները և ծնողները: Երկօրյա այցը ծնողների համար նաև ճանաչողական բնույթ ուներ, նրանք հնարավորություն ստացան լինելու Արցախի տեսարժան վայրերում: Նախատեսել ենք ավանդույթը

պահպանել և ամեն տարի համայնքի բոլոր բնակավայրերի գինակոչիկների ծնողներին հնարավորություն տալ այցելելու և ոգևորելու իրենց զավակներին:

6. Տուրիզմ և արտաքին կապեր

Ամեն տարի համայնքի կողմից աշխատանքներ են տարվում ենթակառուցվածքների զարգացման ուղղությամբ, ինչը միտված է նաև տուրիզմի և տնտեսության այլ ոլորտներում ներդրումների համար համայնքը գրավիչ դարձնելուն: Համայնքի բնակավայրերի աշխարհագրական դիրքը, կլիմայական պայմանները, պատմամշակութային արժեքների առկայությունը, հյուրանոցի և հյուրատների առկայությունը, ենթակառուցվածքների առկայությունը, ինչու չէ՝ ներկայիս մասամբ բարեկարգ վիճակը, ստեղծում են բարենպաստ պայմաններ տուրիզմի տարբեր տեսակների զարգացման համար: Հատուկ ուշադրություն է դարձվում համայնքի մաքրությանն ուղղված միջոցառումներին, պարբերաբար կազմակերպվում են շաբաթօրյակներ: Համայնքը համագործակցում է այն բոլոր կառույցների հետ, որոնք աշխատանքներ են կատարում տարբեր բնակավայրերում տուրիզմի զարգացման հնարավորությունների ուսումնասիրման ուղղությամբ: Ուրախությամբ արձանագրում են այն փաստը, որ համայնքում հաջողությամբ գործում և զարգանում է հյուրատնային բիզնեսը: Ընդհանրապես զբոսաշրջային բիզնեսը համայնքում զարգացնելու համար ունենք բավարար հնարավորություններ՝ աշխարհագրական նպաստավոր դիրք, բնակլիմայական մեղմ պայմաններ, պատմամշակութային հուշարձաններ, ասֆալտապատ, լուսավոր փողոցներ: Պետք է նշել, որ համայնքի պատմամշակութային արժեքները աշխարհին վերջին տասնամյակում ավելի ճանաչելի են դարձել շնորհիվ մեր հոգևոր հովիվ Տեր Վրթանես Բախանայի:

Օձուն համայնքի ղեկավար 

Ա. Տիրանյան

